

皇明通紀法傳全錄

皇明法傳全錄卷十三

東莞 陳建 輯 西湖 高汝弼 訂

高 鼎傳 校

少為吐食

耻東昌之敗

隱語奇中

辛巳建文三年正月辛酉朔東昌捷報至京師詔褒賞將士召齊泰黃子澄還朝復任以政事○丙子靖難兵圍至北平燕王耻東昌之敗下令召募勇敢之士初靖難師起僧道衍每日師行必克但費兩日耳及敗于東昌王北還道衍曰前固已言之費兩日乃昌字也自此全勝矣與朱能力勸王整兵前進

二月戊戌燕王令僧修佛會祭陣亡將士張王等自

帝王征戰
激厲之意
不可少憤
則說志則
堅

見得到

爲文祭之涕零如雨。自虢所服袍焚之以示亡者。丘福見王憤志。謂朱能曰。殿下志氣如此。何憂大業不成乎。張王者。河南祥符人。初爲元樞審知院。武洪初歸附。東昌之戰。燕王以數千騎繞出陣後。敵圍數匝。王雖衝擊而出。然不知王所在。突入敵陣。大戰殺數千百人。王竟被斜而沒。王哭之慟。師旋諸將皆侍語及東昌事。王曰。勝負兵家常事。不足計。所恨艱難之際。失張王良輔。吾至今寢不帖席。食不下咽。隕涕不已。後既正大統。行報功之典。顧侍臣曰。張王才備智勇。論靖難功。當第一。惜其蚤沒。追封榮國公。乙未靖難。兵南下。駐于保定。先是燕王謂朱能曰。賊勢鴟張。漸來見逼。今因其未出。先進師禦之。不可坐受其制。師遂南出保定。與諸將議所向。丘福等言定州府民新集。城池未固。攻之可拔。王曰。野戰則易。以成功。

靖難日此
不獲退矣

野史補

攻城則難于收效。況盛庸聚衆德州。吳傑、平安、顏、顏、真、定相爲犄角。攻城未拔。頓師城下。必合勢來援。堅城在前。強敵在後。勝負未可決也。今真定相距德州二百餘里。我軍出其中。賊必出迎戰。西來則先擊其西。東來則先擊其東。敗賊一軍。餘自破膽。諸將曰：「二百里不爲遠。」我軍分兩。賊聞彼合勢齊進。我腹背受敵。王曰：「百里之外。勢不相及。兩陣相對。勝敗在于呼吸之間。雖百步之內。不能相救。矧二百里耶。爾等勿憚。試觀吾破之。」

三月戊寅。盛庸進兵營于夾河。平安駐師單家橋。靖難兵由陳家渡過河逆之。相去四十里。燕王語諸將曰：

夾河之戰
七
始燕探隊
陣旁火車
大錠強禁
我者同示

敵每列陣精銳在前。罷騎在後。明日與戰。以勁師當其
前。摧其精銳。餘自震懼。中軍嘗云。敵五六里。列陣嚴整。
以待之。我以精騎先破其陣。繞其背而擊之。如掩扉之
勢。推之使前。彼急行五六里。氣喘力乏。中軍俟其奔過。
隨而擊之。我躍其後。乘勢逐北。賊衆必敗。慎勿逆擊之。
故不得前奔。則必致死於我矣。切記吾言。○辛巳。盛庸
兵及靖難兵。戰于夾河。殺其大將譚淵。壬午。復戰。敗
績都。指揮莊得等死之。盛庸走德州。時兩軍列陣相對。
燕王先帥三騎覘之。掠陣面過。遂麾兵攻其左掖。庸軍
擁盾層疊自蔽。矢亦不能入。燕軍預作木鎖長六七尺。

可動于足
文皇用本
鎖以破之

橫貫鐵釘于端釘末有逆鈎令勇士直前擲之連貫其
盾亟不得出動則皆牽連不可以蔽遂乘其空隙攻之
矢下如雨敵衆棄盾走燕騎兵乘之而入南軍奔潰燕
將譚淵從中軍望見塵起遽出兵逆擊之莊得帥衆死
戰不退淵與其部下指揮董中峰等皆爲得軍所殺會
日暮各歛兵還營明日再戰燕王謂諸將曰昨日譚
淵因敵走逆擊太早故不能成功兵法曰窮寇勿追故
我先戒中軍令整兵以俟俟敵已過然後順勢擊之蓋
彼雖少挫其鋒尚銳汝必欲絕其生路彼安得不致死
關大抵臨敵貴于審機變議進退淵不從吾言以致喪

張皂旗力
挽于斤每
戰無不
旗先移
有伴賊

皂旗張力
戰而死
執皂旗不
什敵賊界

詔逐齊秦
其六登

身汝曹當慎之時盛庸軍于西南燕兵軍于東北兩軍
交戰自辰達未勝負未分忽東北風大起塵埃漲天沙
礫擊面兩軍睜目咫尺不見人北兵乘風大呼縱擊之
南軍大敗棄兵而走斬首數萬莊得與驍將楚智皂旗
張等皆死焉追至漣沱河溺死及蹂踐死者不可勝計
盛庸單騎走德州是戰也燕王以十餘騎通庸營野
宿明日引馬鳴角穿營而去將士守上戒諭不敢加刃
以至于敗○詔竄逐齊秦黃子澄于外責以付託不效
令有司籍其家以謝燕人有司奉行徒爲文具而已其
實使之出外募兵也○閏三月己亥吳傑平安帥師及

又皇深于
兵机保等
昧于機料
安得不敗

靖難兵戰于藁城，敗績。先是夾河之戰，吳傑、陳暉等引兵來與盛庸合，未至八十里，聞庸敗，乃退還真定。燕王謂諸將曰：「吳傑等若嬰城固守，則爲上策；若軍出即歸，避我不戰，是爲中策；若來求戰，則下策也。」乃設奇以誘之。是日散軍四出，聲言取糧。政令校尉荷擔抱嬰兒，佯作避兵，奔入真定城，報云：「燕軍各散取糧，營中無備。」吳傑等聞之，以爲信然，乃謀出師，掩其不備，遂出軍渡沱河，距燕軍營壘七十里。王聞之，大喜，薄暮趣兵渡河。諸將請俟明日都指揮陸榮進曰：「今日十惡，兵家所忌，不宜進兵。」王曰：「時機不可失也，若稍緩之，彼退將

文皇大綱
於兵法

文皇前後
大小十二
戰雖諸將
之奮身而
身在戎行
攻堅屢危
斷自神機
所以戰無
不克也

真定城堅糧足攻之難爲力矣。拘小忌者誤大謀。遂進
與南軍遇于藁城。傑等列方陣于西南。王謂諸將曰。
方陣四面受敵。豈能取勝。我以精兵攻其一隅。一隅敗
則其餘自潰。乃以軍摩其三面。悉精銳攻其南北。兩相
與大戰。王以驍將數百循滹沱河繞出其陣後。突入大
呼奮擊南軍。矢下如雨。箭集。王所建旗如蝟毛焉。平
安陣間縛樓高數丈。安登望。靖難兵見戰勝大喜。麾諸
軍力戰。燕王見安登樓。率精騎直上攻樓。安見文皇
馳至。急下樓。墜而走。會東北風大起。發屋折樹。塵埃漲
天。沙礫擊面。庸軍中昏暗。咫尺莫辨。燕師乘風大呼。候

左右望橫擊。庸軍大敗。追至城下。斬首甚衆。檣指揮
鄧戩、陳鵬等。吳傑平安。僅得入城。南兵降于燕者。王
悉釋之。南還。自是南兵愈解體矣。王遣人送所建旗
回北平。諭世子曰。善藏之。後世毋忘也。○靖難兵徇河
北。郡縣多降。遂次於大名。

按前此白溝夾河與今此藁城三大戰。情難兵皆有
風助之。異先敗而後勝。天意所在。不見而章。自此而
南北成敗之形成矣。嗚呼。昔漢高以大風而脫難水
之圖。我成祖以大風而成屢勝之功。自古帝王之
得天下。何往而非得天以爲之本。○庸恃東昌之捷
輕敵。謂此舉必破北平。將士咸攜金銀鉅器。錦繡衣
袍。曰。破北平。張筵痛飲。
至是咸爲靖難兵所獲。

四月。燕王遣人上書于朝。時大名官吏迎靖難兵。送

勢固駢虎
彼此已無
緩退之理
徒以虛文
飾其緩兵
之計耳

文皇料敵
如神豈爲
區區淺術
所絀

謀者言齊泰黃子澄皆竄逐有司已簿錄其家王乃
上書稱臣燕王棣謹奏爲息兵養民事凡數百言書成
王以示左右喜謂曰署臣于燕之上其意爾知之乎皆
對曰不知王曰予名與帝音同皇考太祖皇帝命
名之意有在今以臣先之卽稱燕皇帝此其兆也左右
皆頓首稱賀○遣大理寺少卿薛鼎如燕時燕王書
至帝以示方孝孺及侍中黃觀二人閱畢奏曰此機會
也燕軍久駐大名暑雨爲沴不戰將困矣今遣人報之
以弛其備且各處兵馬漸集調遼東軍以攻永平德州
以擾于燕根本受敵彼必歸援我且追蹙其後破之在

數十道論
大類排耳
宿鈴徒貽
敵笑

方黃俱知
集兵不知
還將將非
其人難聚
不足恃也
耿炳文之
敗以三十
萬李景隆

此舉也使人往返之間師已畢集矣投機之會決不可失帝以爲然乃命觀草詔赦燕王父子及諸將士之罪使歸本國勿預兵政仍復王爵永爲藩輔遣薛崑等齎往燕師又作宣諭數千言刊印數千紙付崑令密散諸燕將士使歸心崑見王問帝意云何崑曰朝廷言殿下旦釋甲暮卽旋師王怒曰是殆我也崑惶懼不能對燕將士欲殺之崑戰慄流汗伏地旣而命軍中耀武連營百餘里戈甲旗鼓相接而馳射其中使崑等觀之留數日乃還崑至自燕軍言燕軍強盛孝孺惡之曰此爲燕遊說也

之取以五
十萬曰濟
之敗以六
十萬可嘆

五月 燕王使指揮武勝等來上書言得總兵官四月
二十日驛書又有會令軍馬之旨遣使息兵誠耶偽耶
張機阱以相掩陷令人豈能自安如此欲令息兵可乎
此不待明者而後知也 帝覽書曰燕王本皇考孝康
皇帝母弟於朕爲叔父柰何必用兵爲也召諭孝孺意
孝孺對曰陛下卽欲罷兵兵一散卽難復聚彼成長驅
犯闕何以禦之今軍聲大振不日有捷書來聞願陛下
毋惑甘言遂縛勝等下錦衣獄○調刑部左侍郎王良
爲浙江肅政按察使以問燕國人罪從末減故左遷浙
江按察使良至浙江謁岳鄂王墓誓曰苟愧武穆非人

也。

六月靖難將李遠等兵至濟沛焚糧餉都督袁宇率兵禦之敗績。○遣太僕少卿祝孟獻使朝鮮市馬。○秋七月靖難兵掠彰德都督趙清禦之敗績。○遣錦衣衛千戶張安遺書于燕世子先是孝孺門人林嘉猷嘗被文皇召至北平居邸中久之知高煦及三郡王不睦於世子屢譏於父內臣黃儼素奸險世子惡儼之曲事三郡王。三郡王與世子守北平高煦從文皇軍中時時領世子孝孺言於帝曰令河北師老無功而德州餉道又絕事勢可憂向以罷兵之說誘之既不能行則當別用一

是緣亦疎
豈有以仇
讐而能間
父子之親
者

策安可坐視。臣有一策。帝曰。試言之。孝孺曰。燕王素寵愛次子高煦。及幼子高燧。其世子嘗爲其二弟所譖。恒不自安。今但用計。離間其世子。使彼父子相疑。則必趨歸北平。而吾可以徐圖其後矣。帝從之。遂令孝孺草書貽世子。令背父歸朝。許以燕王之位。而令張安齋詣世子。世子得書。不敢封。遣人并安等送赴軍前。時燕宦者黃巖素附高燧。乘此譖世子。與朝廷通密謀。高煦亦助巖言。燕王不信。語竟世子所遣人以書及張安皆至。王覽書歎曰。吾父子至親。猶見離間。況君臣之際乎。乃囚安等。

六月靖難兵破濟寧掠沙河沛縣焚其軍資糧運數百萬京師大震先是北兵獲謀者言武勝等繫獄燕王大怒謂諸將曰自古敵國往來理無執使今若此吾必滅之彼軍萃德州資糧所給皆道餘沛宜調輕騎數千燒彼糧船則德州饋餉不給衆必瓦解遂遣其都指揮李達等率騎兵六千擾其糧道達等至濟寧穀亭盡焚軍輿以來儲積丘福薛祿合兵攻濟寧州塞濠登陴破其城遂潛兵掠沙河沛縣南軍不之覺也糧船數萬艘糧數百萬石悉爲所焚軍資器械俱爲煨燼河水盡熱魚鱉皆浮死漕運軍士盡散走歸京師大震德州糧餉

遂艱南軍自此益不振矣○七月靖難兵襲取彰德軍
攻其城不克時都督趙清守彰德燕王遣數騎日往
來城下擾其樵採清追兵追之則引而去于是城中乏
薪折屋爲炊旣而王令伏兵城傍山麓仍遣數騎至
城下誘之清果遣兵出誘入伏內擒殺千餘人自是不
敢復出王遣人招清清對使者言殿下至京城日但
以二指許帖召臣臣不敢不至今未敢也王悅其言
爲之緩攻○平安自真定率兵攻北平營于平村離城
五十里擾其耕牧燕世子督衆固守遣人如靖難兵告
急○靖難兵還次定州遣其將都指揮劉江救北平○

八月靖難將劉江及平安戰于北平安軍敗績初燕王聞北平被圍召劉江問策將安出江慷慨請行且曰臣方思之高煦請與江先往江曰殿下如何兩處顧得徒圍走不任爲敵笑耳俄而曰臣策成矣王喜呼酒送其行江與王約曰臣至北平以砲嚮爲號二次砲嚮則決圍三次砲嚮則進城若不聞第三砲則臣戰死矣臣若入城中既聞外間救至則守城軍士勇氣自倍宜令軍士各帶十砲俟三次砲嚮之後爲殿者放砲常不絕聲則遠近皆謂大軍繼來平保兒必駭散矣王大喜然其計保兒安小字也至是江與安戰果如其策大

梅殷果以
死報不負
所托

敗之，斬獲數千人，獲馬六百餘匹，安走還真定。

十一月朔，燕羣臣將校上表，燕王勸進，宜登卽皇帝

位，以慰天下之望。不許。○遣駙馬都尉梅殷鎮守淮安。

殷尚太祖女寧國公主，最有才智。太祖最眷注之。

臨崩時，皇太孫與殷侍側，受顧命，首囑太孫曰：「燕王

最不可忽。次謂殷曰：「汝老成忠信，可託幼主。乃出誓詔，

及遺詔授之曰：「敢有違天者，汝其爲朕伐之。」言訖而崩。

太孫旣卽位，殷以至親，嘗在左右，至是靖難兵漸南逼。

諸將多異，輒觀望，乃召募淮南民兵，合軍士號四十萬，

命殷統之，駐淮上，以扼燕師。旣而燕王遣殷書，以進。

香金陵爲辭。殷答曰：進香。皇考有禁，遵者爲孝，不遵者爲不孝。王大怒，遣使復書，畧言：今興兵以誅君側之惡，天命所歸，實非人所能沮。殷割使者耳鼻，不復報書。口授數語，詞甚峻。且曰：畱汝口圓去，說知也。○燕王陞擢將校，以都指揮丘福未能，張信、劉才、鄭亨、李達、張武、火真、陳珪、李彬、陳賢、王忠、徐忠、陳文、房寬並爲五軍都督僉事。陞紀善李忠爲右長史，餘將士陞秩有差。○都督楊文帥遼東軍圍永平，靖難兵劉江與戰于昌黎，文敗績。指揮王雄等七十一人被執。○平安敗靖難將李彬于楊村。○皇少子文圭生，靖難後廢爲匡牋人，幽

中都廣安宮入禁甫二歲其後其宗復辟憐其無罪出之鳳陽歲給薪米聽婚娶出入自便○詔內官出使放縱許有司檢送京師洪武初內官奉使出外約束甚嚴不得與士民交易至是有以內官暴橫爲言所在有司但遇內官奉使暴橫虐害士民者卽擒縛赴京以聞於是內官奪氣密謀推戴矣○十二月燕王帥師南伐敗南軍于蠡縣靖難兵自此有進無退矣○更定六科給事中品級及更定倉官黜陟之制

壬午建文四年正月命魏國公徐輝祖率京軍往援山東○靖難兵攻破兗州府番縣及東阿東平汶上鉅野

諸縣○靖難兵攻沛縣守備指揮王顯迎降知縣顏伯瑋死之

忠義所在
何論賊之
崇卑

伯瑋江西廬陵人唐顏真卿之後洪武末舉賢良除知沛縣時北兵所過皆歸伯瑋集民兵備禦以死自誓既而北兵駐沙河轉攻沛伯瑋遣縣丞胡先甫徐州告急度不能支預送其子有為出城戒之曰汝還家自大人吾不能盡于職矣夜二鼓賊入東門指揮王顯迎降伯瑋冠帶升堂南向再拜慟哭曰臣無以報國矣遂自經死其子不忍去後還見父屍亦自刎俄擒王薄府清與史黃謙亦不屈死

遼陽之戰

三月平安帥師及靖難兵戰于淝河斬其驍將王真燕王來戰安軍敗績時北兵駐淝河謀報平安領馬步四萬為前鋒躡我後王乃命高煦守營親帥精騎二萬至淝河按伏以待之數日安兵始至王令王真白

義劉江各將百騎往逆、戒令遇敵佯走、引入伏內、安兵與真等大戰、互相殺傷、真斬獲頗多、而後隊不繼、安麾騎圍之、數匝、真身被十數傷、氣愈奮、偪手斬南兵數十人、自度不免、乃馬上自刃而死、真燕山右護衛百戶也、沉毅有智畧、每戰、賈勇衝敵、常以一當百、王嘗謂諸將曰、奮武如王真、何功不成、後追封金鄉侯、配享太廟、時安引騎兵三千駐北岸高坡、王以數十騎當之、安直前、騎指揮火耳灰者、素驍勇有名、持矛直趨王前、相距十餘步、燕胡騎指揮童居引弓射之、中馬、馬倒、遂生擒火耳灰、其麾下哈三帖木兒亦驍勇、持稍衝矢來救、

姚善治郡
無異西漢
循良王實
綽矣無殊
東漢清德

信復射其馬人馬俱仆并擒之時欲生擒致平安安變
服以數騎遁去斬首數千級獲馬八百餘匹

按華除遺事是戰也安據長鎗馳馬追
之會馬脈乃弗克前安歎曰真命天子也先是王
夜夢與安戰將敗一男子豐貌美髯乘白馬持大刀
自西北來聲言救鵠即砍安馬應聲而倒王得脫
難問其姓名對曰臣幸城隍神也既
覺王喜及與安戰始終一如夢焉

以蘇州府知府姚善參贊都指揮儲欽軍事兼督蘇松
常鎮嘉興五郡軍馬入援京師

善湖廣安陸人志行淳實愷悌初朝吳以吳民驚擾
夷俗俗靡達式明法以齊之區者或更藉持短長賂
諸驛起數難理善洞達政體周悉人情張弛寬宥各
情事宜每數造請羣賢考求治道商畧民生休戚風
俗淳淳以爲興業由是吏民同心向義轉稱大治焉
列郡最隱士王寅獨居陋巷善往候見舍車詣諸門

國初此風
往往有之
縣令恩書
其空谷足
音矣

省門為請憲曰、姚善乃開門延語、及賓報謝而府門
耳拜而返、善自遂還、辭曰、非公事不敢入也、又將候
韓奕、奕避入大湖、善歎曰、韓先生可謂名可得聞而
不可得見也、錢芹自守甚高、善願見不可得、有俞貞
木者以明經見重于善、月朔望必延致學宮、誦經書
以訓士、一日饋米于貞木、談送芹所、芹受之、吏覺其
誤、詣貞木以告、貞木曰、錢先生與人不苟、令尤不苟
取與、今受米不辭、必仰府公之賢耳、善聞之、欲往候
乃先使道意、芹對使者曰、芹誠幸願見公、然芹民也
禮不可往見于庭、苟明公弘下士之風、請俟月朔相
會于學宮、善如期至、逆芹置上座、請贊經義、芹曰、此
士子之務耳、公自有官守、何不談時務而乃及此耶、
善益起敬、請問今日急務、芹出一簡以授善、竟不交
一言而去、視之則守禦制賊之策也、善大悅、薦芹為

行軍
司馬

靖難兵破宿州、遂取徐州、於是齊魯營堡諸文武將吏
皆降、軍士或散為群盜、反抄奪芻糧、助北兵為勢矣、○

十
小河之戰

四月丁卯總兵官都督何福敗靖難兵于小河斬其大將陳文韓貴時北兵至小河陳文于一要處爲橋先度步卒輜重騎兵隨之遂分兵守橋明日何福列陣亘十餘里張左右翼緣河而東燕王帥騎兵與戰福麾步兵而前爭所守橋福率後軍來援奮擊破之斬陳文于陣勇氣百倍遂渡橋南燕將張武見文戰沒率勇敢士自林間突出與王騎令擊却之指揮丁良朱彬被執燕將都指揮韓貴亦戰死于是福軍與燕兵南北對壘相持者數日○甲戌魏國公徐輝祖帥京軍及靖難兵戰于齊眉山敗之召輝祖還京師時北兵駐齊眉山輝

兩敵相持
資速思退
未能動進
而輝祖召
遂成敗之
機決矣

祖帥軍援何福。既至，相與大戰。自午至酉，勝負相當。薄暮，輝祖斬其蔚州衛千戶李斌等十餘人，斌于北軍中最號勇敢。馬蹶為南軍所擒，猶力斬數人乃死。于是北兵退走，還營掘塹以自固。是時南軍再捷，北將皆懼，議旋師。朱能獨斥諸將大聲曰：「漢高帝十戰九敗，終有天下。況殿下自起兵以來，克捷多矣，一挫而歸，寧能北面事人？諸將言歸者，皆不忠。當斬以徇，衆不敢復言。」王遂決意，引兵南下。會京師傳言：「燕王已北歸，帝以京城不可無兵，乃召輝祖還。」何福孤軍無援，遂不能禦。丁丑，何福移師營于靈壁。時南軍所至，掘塹作壘為營。

軍士通夕不得休。暨成而將旦。復行。往往虛敵人力。故
臨陣之際。卒先罷困。燕王行營。不爲壘。但分布隊
伍。列陣爲門。敵不敢犯。故將士至營。卽得休息。自便。暇
則射獵。周覽地勢。得禽獸。頒將士。每拔城破壘。悉以所
獲財物資之。人樂爲用。至是對壘日久。王與將士不
解甲者一月矣。盛夏淮土蒸濕。暑雨連作。軍中常恐疾
疫。將士頗怨。屢請渡河。擇地休息。士馬。王諭之曰。兩
敵相持。貴進忌退。一渡河。則士心必懈。敵乘勝來邀。祇
取敗辱耳。況敵久乏糧。士卒饑瘠。其心已離。邀其餉道。
可以坐困之。今日之勢。利已在我。不容少緩。請將惟朱

能鄭亨以爲然。餘人猶固請不已。王盛怒斥之。諸將乃不敢復言。遂遣朱榮、劉江等率輕騎截南軍餉道。又令遊騎擾其樵採。何福乃下令移營靈壁。以免其擾。且就糧尤便。然分軍護糧。勢不得完。銳氣頗衰。○己卯靖難兵及何福平安戰于靈壁。福等敗績。時南軍運糧五萬。平安帥馬步六萬護之。爲方員負糧者居中。燕王覘知之。分壯士萬人遮援兵。而令高煦伏兵于林間。戒伺敵戰疲。卽出擊。於是躬率師逆戰。以騎兵爲兩翼。安引軍突至。殺北兵千餘。矢下如雨。王麾步軍縱擊橫貫其陣。斷而爲二。南軍遂亂。何福等出壁來援。與安合。

靈壁之戰
宋辰長子
為右衛指揮
故戰先
登勇于格
剛力屈死
都是天
彭與民以
皆為將軍

擊殺傷甚衆。北兵引却。高煦窺見南師疲困。卽帥衆突出擊之。王還兵掩擊其後。福等大敗。俘斬萬餘人。獲馬三千餘匹。盡獲其糧餉。福等以餘衆走入營。塞壘門堅守。是夜福下令。期明旦聞砲聲三。卽突圍出師。就糧于淮河。○庚辰靖難兵攻破靈壁營。何福脫走。副總兵陳暉平安皆被執。參贊軍務禮部侍郎陳性善大理寺丞彭與民皆死之。時燕王令諸軍攻靈壁營。而躬率諸將先登。軍士蟻附而上。北兵三震砲。福軍誤以爲已砲。急趨門走。門塞不得出。營中紛擾。人馬墜濠塹皆滿。北兵急擊之。遂破其營。生擒陳暉平安及參將都督馬

板執

黃子澄果
誤國即李
景隆戰敗
不聞亦當
萬死

溥徐真都指揮孫晟指揮王資等一百八十餘員獲馬
二萬餘匹降者無筭悉縱遣之何福單騎脫走自是南
兵益衰識者知金陵不能守矣黃子澄聞之撫膺大慟
曰大事去矣吾輩萬死不足贖誤國之罪

五月遼東總兵官楊文帥師還濟南至直沽師潰時靖
難兵南下朝廷用齊黃策調遼東兵十萬至濟南與鐵
鉉合勢以絕北兵後比至直沽遇北將宋貴等截殺遂
潰竟無一人至濟南者○辛卯靖難兵渡淮大將軍盛
庸敗走遂克盱眙縣時盛庸領馬步兵數萬戰艦數千
列淮之南岸燕兵列北岸相對燕王命鐵舟編筏楊

大料如此
其後可知

旗鼓譟指麾若將渡者南軍主之有懼色王命丘福
朱能狗兒等將驍勇數百西會二十里以小舟潛濟南
軍初不之覺也及漸近營舉砲兩軍駭愕福等衝突其陣
南軍棄戈甲而走膺股慄不能上馬其下掖之登舟遂
單舸脫走北兵盡獲其戰艦遂濟淮駐南岸是日遂攻
下盱眙王會諸將圖所向或謂宜先取鳳陽徑趨滁
和集船渡江或欲先取淮安自高郵以達真揚卽渡江
可無後顧之虞王曰不然鳳陽樓櫓堅完所守既固
非攻不下恐震驚皇陵淮安高城深池積粟既富人
馬尚多攻之不下曠日持久則屈威挫銳援兵既集非

我之利。今乘勝鼓行。直趨揚州。儀真。兩城軍弱。可招而
下。既得真陽。則淮安鳳陽。人心自悔。我耀兵江上。聚舟
渡江。京城震駭。必有內變。吾于此時索取吝惡。事窮勢
迫。誰能固陋之。必有縛獻軍門者。吾得而甘心焉。以雪
國逼之恥。拔諸王之困。可指日而收效也。諸將皆頓首
稱善。○時諸將分屯鳳陽。淮安。以遏燕兵。燕王欲從
淮安取道。阻于駙馬梅殷。欲從震壁。出鳳陽渡河。鳳陽
知府徐安牒知。折浮橋。絕舟楫。拒守。亦不得渡。燕王
遂往揚州。至天長。○監察御史王彬。巡江淮。治揚州。備
任指揮崇剛練兵。繕濬城濠。剛聞靖難兵至。晝夜不解。

彬克之東
平人當楊
州兵火外
禦內防七
日甲不解
正德中祀
彬名宦

甲與彬共守楊城指揮王禮欲舉城降彬與剛知之執
禮及其黨繫獄有力士能舉千斤彬常以自隨靖難兵
飛書城中有縛王御史降者官三品左右憚力士莫敢
縛禮弟宗者厚賂力士毋誘其子出會彬解甲浴盤中
爲千戶徐政張勝所縛昇至城上投靖難兵中不屈死
之政遂出禮等于獄與江都知縣張本開城門降剛不
屈而死燕王至楊州命禮同指揮吳庸等諭下高郵
通泰諸城并集舟以備渡江○靖難兵克儀真遂立大
營于高資港儀真既破北舟往來江上旗鼓蔽天鎮江
守將童俊送款建文帝雖下詔天下勤王然而無及矣

無策之甚

成敗未可知
與其僥倖
於萬一耳
事此至邪
能故得真
明見萬里

○呂太后遣慶成郡王如靖難師議和時北兵既克饑
真方孝孺曰事急矣宜以計稍緩之遣人許以割地稽
延數日東南召募丁壯當畢集天塹之險北軍不長于
舟楫相與決戰江上成敗未可知建文帝善其言乃以
太后命遣郡王往以割地分南北為請燕王怒曰此
特欲緩我師耳行將與諸弟妹相見無多言也

六月癸丑朔靖難兵括船于瓜州燕王將渡江也命
都指揮吳庸集高郵通泰船于瓜州命內官徇兒領都
指揮華聚為前哨徇兒後賜姓名王彥

靖難初不獨位將如林而內臣智勇兼人者亦往往
有之王安即不化都女直人主驥即添兒西番人寧

和卽三保李謙卽保兒並雲南人雲翔卽伍哥田嘉禾卽哈刺帖木並胡人皆內臣從文廟起兵靖難出入戰陣多建奇功後皆爲各監太監或出鎮邊藩焉

遣魏國公徐輝祖開國公常鼎等帥師與靖難兵戰于浦子口敗之○靖難兵大敗盛庸軍都督陳瑄以舟師迎降時盛庸帥舟師駐江上北兵漸至近岸盛庸整陣以待先是北兵敗于浦子口燕王欲還適高鼎率兵至王撫其背曰兒當再戰吾力疲矣世子多疾天下若定吾以爾爲太子于是高煦決死戰至磨精騎數百直衝之庸軍奔潰悉棄戈甲而走死者不可勝計陳瑄受命帥水軍往援遂迎降命將士皆解甲釋脅燕

王大喜，又陞三級。○庚申，靖難兵次平龍潭驛，建文帝聞盛庸復敗，沿江舟師皆降，憂懼不知所爲，問計于方孝孺。孝孺陳固守之策，曰：「今城中尚有勁兵二十萬，城高池深，糧食充足，盡撤城外民舍，聚民大城，足以固守。以待援兵至，內外夾擊，決死一戰，可以成功。萬一不利，軍駕幸蜀，收集士馬，以爲後舉。」帝然之，乃命谷王穗安王楹分守都城門，遣李景隆及兵部尚書茹瑺都督王佐往龍潭，仍以割地講和爲辭，以待援兵。景隆等既至，見燕王俯伏惶汗，頓首稱臣，呼萬歲，不敢仰視。久之，乃以割地講和爲請。王笑曰：「公等今爲說客耶？割地

齊黃謀國
與國同
子付托
或托微
兵所他之
乎況子澄

何名公何爲聽姦臣之計吾必得齊太黃子澄輩建文
帝命景隆等再往言諸臣皆竄逃外郡俟縛至追來景
隆等惶懼不敢行帝令諸王與景隆等偕行燕王曰
勿多言不得奸臣吾必不已諸王歸帝會郡臣慟哭或
勸帝且幸浙或曰不若湖湘孝孺請堅守京城以待四
方之援議不決太常少卿廖昇聞茹常等還遂慟哭與
家人訣自縊死○遣禮部侍中黃觀往安慶修撰王叔
英往廣德都御史練子寧往杭州募兵入援京師三人
奉詔皆奮不顧家然事勢不可支矣齊泰奔廣德州黃
子澄奔蘇州逃難且促徵兵時王叔英在廣德募兵無
皇明去事錄卷之十一 建文靖

後漢航海
其不思如

此將京地
尚無備不
知黃謀
議樂政者
何事

應者子澄欲航海徵兵于外夷不果建文帝太息曰事
出汝輩而今皆棄我去徘徊殿庭長吁不已○遣諸王
分守京城諸門○命魏國公徐輝祖開國公常昇分道
出師禦戰○甲子遣人齎檄書四出促勤王兵皆為靖
難遊騎所獲○癸亥靖難先鋒將劉保華聚哨至朝陽
門外甲子靖難兵進屯金川門時北兵既駐龍潭慮京
城完繕四方或有勤王者日夜為攻禦備乃命保等領
先鋒騎兵十餘哨至朝陽門覘知無備還報燕王大
喜乃整兵而進先是左都督徐增壽謀應北兵約開門
降大理寺正卿瑾御史魏冕率同僚十八人即殿前臥

之幾死。其日以兵亂，輟朝。鄒瑾及見，大呼請速加誅。臣等義不與此賊同生，不聽。惟谷王穗、開金川門降。文皇遂入京城，內宮火發。文皇入城，建文帝手誅都督徐增壽于左順門。靖難兵起，時谷王穗與李景隆守金川門。北兵至，遂開門迎附。保等遂引兵入城。魏國公徐輝祖率師迎戰，敗績。建文帝縱火焚宮，變服遁去。京師傳言帝崩，時六月十三日也。初，太祖末年，將傳位太孫，而占知其不終也。既大漸，乃授以一小篋，封鑰甚密，戒以急難乃啟。至是窘迫無計，啟篋視之，得楊應能度牒及披剃之具，遂削髮披緇，執度牒自御溝出，至郊壇而走。

時宮中火起、倉卒、咸以爲建文自焚矣、無人知其變、服
出走者、是日、燕王按兵入城、安王楹等、及文武群臣、
父老人等、皆來迎、茹瑺先郡臣叩頭勸進、許之、遣人布
告天下、各處召募丁壯、令悉解散復業、是日前、會都御
史程本立、太常少卿廖昇、衛府紀善周是修、大理寺丞
鄒瑾、御史魏公冕、給事中龔泰等、皆死之、文皇入城、金
川門蹇義、夏原吉、皆赴迎、戴楊榮亦見馬首曰、翰林編
修臣楊榮曰、何如、曰、臣請殿下、今始入城、當先謁陵乎
先入廟乎、王啞然曰、固當先謁陵、遽從之、曰、非若言、幾
誤乃事矣、王既登極、工部尚書茹瑺首入殿、賀文皇

呼謂之曰瑞吾今日得罪於天地祖宗亦何瑞扣首曰
陛下應天順人何謂之得罪乎文皇大悅進忠誠伯宮
中火起皇后馬氏亦赴火死○上清宮詰問宮人內
侍以建文君所在皆指認后屍應焉乃出屍于煨燼中
哭之曰小子無知乃至此乎召翰林侍讀王景問塋禮
當何如景對曰當塋以天子之禮于是爲建文帝發喪
如禮遣官致祭輟朝三日遷太后于懿文陵

帝生而慈慧好詩文及古典禮文章主性孝友異常人
子方懿文之病癰也帝年方十四含淚撫摩晝夜不
暫離親吮吸之太祖聞之嘆曰有孫如此朕復何憂

更三年懿文薨哭踊哀慕水漿不入口者五日。太祖撫之曰毀不滅性禮也爾誠純孝獨不念我乎。三弟同其地老。寄誨諄懇。太祖萬幾多付裁決時政尚嚴刻。帝濟以寬大中外欣欣愛戴如一。太祖傳位詔中有云太孫仁昭孝友海內歸心蓋有試而然也仁厚有餘親誼篤摯觀曾鳳韶之劾諸王也。帝曰至親不問成祖之在軍中也帝戒將士曰毋使朕有殺叔父之名此其心何如而齊黃誤之希直敗之事危矣陽罷策臣謝過大根已仆未幹胡支蹈拙行作殆同兒戲高巍之謀不聽盛庸鉄絃之武畧不存李景隆之敗躬不罪

政刑漸減、舍減亡何適也。如是而日討周禮、改官名、易制度、奚益哉。甚矣祖宗之法不易變也。一變而至於亂法、豈易變者哉。○是日、燕王揭榜討左班文職姦臣、計二十九人。太常寺卿黃子澄、兵部尚書齊泰、禮部尚書陳廸、文學博士方孝孺、副都御史練子寧、禮部侍郎黃觀、大理少卿胡閏、寺丞鄒瑾、戶部尚書王純、侍郎郭任、廬迥、刑部尚書侯泰、暴昭、工部尚書鄭賜、侍郎黃福、吏部尚書張統、侍郎毛泰亨、給事中陳繼之、御史董鐸、曾鳳韶、王慶高、翔、魏公冕、謝昇、前御史尹昌隆、宗人府經歷朱徵、卓敬修、王叔英、戶部主事巨敬、先是、出貢

格凡文武官員軍民人等鄉紳姦惡爲首者陞官三級
爲從者陞二級鄉紳叛逃官吏爲首者陞二級爲從者
陞一級有司奉旨出示自是擒獲得官者甚衆乘機報
復私讐劫掠財物者紛紛雖禁不能止也旣而鄭賜王
純黃福尹昌隆皆迎駕歸附自陳爲姦臣所累乞宥罪
令復其官以茹瑞李景隆言并宥張統復爲吏部尚書
餘皆不宥尋揭姦臣榜于朝堂增徐輝祖葛成周是
修鐵鉉姚善等共五十一人

高氏汝棧曰靖難師旺金川門是夕給令御史廉四
十餘人相與從城遁去諸朝遲者竟察以聞文皇
恚置不同已而軍衛棄之棄棄相械以獻民死者
歸附悉予其官今兵部鄉紳可樂見也然烏舉

此輩何事

匿亦已多矣。後來深山窮谷。往往有見其脩版自帶。禪寂自居者。噫。志亦可悲矣。遺事所載。雪菴和尚。及福編。區河西。備其此類與。

燕王清宮三日。諸官人女官內官多誅死。惟得罪于建文者乃得留。○丙寅。諸王及文武羣臣請正天位。上表勸進。上謁。孝陵還。御奉天殿。卽皇帝位。是日復周王橚。齊王榑。爵土。初建文中。有道士歌于途曰。莫逐燕。逐燕日高飛。高飛上帝畿。已而忽不見。人莫能測。至是始驗其言云。○命五府六部一應建文中所改易。洪武政令條格悉復舊制。仍以洪武紀年。今年稱洪武三十五年。○追封都督徐增壽爲湯武侯。謚忠愍。上憫增

壽之死痛悼不已故卽位首封尋進定國公○革去典
宗孝康皇帝廟號仍舊謚號懿文皇太子降封吳王允
燭爲廣澤王衛王允燧爲懷恩王徐王允熲爲敷惠王
尋復降允燭允燧爲庶人允熲改封臨寧王三人後皆
不得其死○下魏國公徐輝祖于獄時武臣無一人不
歸附者惟輝祖不屈上親召問輝祖不出一語始終
無推戴意法司迫取供招輝祖默然操筆惟書其父開
國功勞子孫免死而已上大怒然以元勳國舅欲誅
又輒中止徘徊久之竟從寬典止勒歸私第革其祿米
而已○召淮南總兵官駙馬都尉梅殷還京師是時建

文諸將列守淮南北者。惟殷尚欲爲建文計。而大勢已去。上旣正大位。命寧國公主。以書召之。殷乃罷兵入見。上慰之曰。都尉在軍。無乃勞乎。殷對曰。勞而無功。徒負愧耳。上甚卹之。○齊泰被執。至京。族誅之。妻發教坊司。幼子甫六歲。給配。時詔抄姦臣九族外親之外親。以泰爲首。高塘等二十六戶。皆就逮。抄沒克軍。先發興州克衛。次年調遼東三萬衛。又一年發甘肅衛多道死者。○蘇州府知府姚善。被太倉衛鎮撫陳斌等。綁至京誅之。上贖黃子澄急。子澄避于善所。約與航海。善謝曰。在公則可在。善則不可。公朝臣也。可以西往。號召

大興千澄
之妻齊發
教坊並倫
生之倫重
耶何不如
率爾之妻
先自經死
建文間死
難諸臣計
九百餘人
此紀特其
彰彰者耳
惜不能一
二錄也

以國興復善守土之臣義當與城存亡者也遂被執
上詰之曰若一郡守何敢舉兵抗我善屬聲曰臣各爲
其主耳遂命磔之黃子澄被太倉衛百戶湯華等綁至
京族誅之從子等六十五人皆死子澄妻妹皆發教坊
司逮其九族外親四百五十餘人皆發克軍○族誅右
副都御史練千寧千寧被臨安衛指揮劉傑縛至闕對
上語不遜上震怒命磔之宗族棄市者一百五十人
又九族親家之親家被抄沒戍遠方者又數百人○下
方孝孺獄旣而族誅之先是上發北平僧道衍送之
郊跪而密啟曰臣有所託上曰何爲道衍因囑曰南

孝孺此狀
雖爲忠義
然掃筆動
哭似太已
甚

有方孝孺者。素有學行。武成之日。必不降附。請勿殺之。
殺之。則天下好學者絕矣。上首肯之。及靖難師駐金
川門。宮中自焚。孝孺卽持斬衰服。晝夜號哭。至是爲鎮
撫伍雲等。執以獻。孝孺不屈。乃繫獄。遣人諭旨。終不從。
旣而議頒卽位詔于天下。問左右誰可代草者。皆舉孝
孺。乃召出自獄。斬衰而見。悲慟不止。上降榻慰諭之。
曰。我家事耳。先生何自苦。又曰。先生爲我作詔。命授以
紙筆。孝孺大書數字。擲筆于地。曰。死則死耳。詔不可草。
上大聲謂曰。汝焉能遽死。朕當滅汝十族。令復繫獄。以
俟。乃據其宗支。盡抄沒之。宗族坐死者八百四十七人。

妻鄭氏與諸子皆先自經死每抄提人輒示孝孺孝孺
執不從乃及母族林彥清等妻族鄭原吉等九族既發
亦皆不從乃及朋友門生廖鏞林嘉猷等亦皆坐誅然
後詔磔于市凡稱磔者皆凌遲之刑凡九族外親之外親盡數抄

提發興州等衛充軍尋調三萬衛再調甘肅衛外親自
抄提後死者復數百人宥前御史尹昌隆先是靖難兵
南下昌隆上書言今事勢日去而比來章奏有周公輔
成王之語不若罷兵息戰許其入朝彼既欲伸大義于
天下不應便相違戾設有蹉跌便須舉位讓之猶不失
作藩王也若沉吟不斷禍至無日進退先據雖欲求爲

丹徒布衣不可得矣。不報。及是按名捕治姦黨。昌隆被驅。將就刑。當陛大呼曰。臣當時曾上章勸以位讓。陛下奏牘尚存。可覆案也。上乃命停刑。閱其奏流涕曰。火燒頭。若早從此言。南北生靈可免酷禍。朕亦無此勞苦也。詔貸其死。且諭之曰。朕長子在北京。爾往事之。若能盡誠輔導。不爾忘。以爲北平按察知事。○誅戶部侍郎郭任。建文初。用齊黃之策。討諸藩之不靖者。然後及燕郭任。奏曰。天下事先其本而後其末。則易成除惡。不務其本。臣愚以爲迂也。夫今日儲財粟以備軍實。果何爲者。然而北討周南。討湘舍其本而末是圖。非上策也。

尹昌隆郭
任卓敬三
君子皆忠
謀良策而
不一用也
非天耶

且兵貴神速苟爲曠日持久銳氣既竭姑息隨之所謂
強弩之末不能穿魯縞將坐自困耳。土聞而遂惡之
故戮○誅工部侍郎卓敬。上執而欲殺之憐其才謂
道衍曰向者姦臣各欲首先害朕惟敬欲徙封內地建
文若聽其言則干戈息矣道衍曰不然南昌地居下流
金陵加兵特探囊取物耳使敬言誠用。陛下豈有今
哉于是敬遂就僇○族誅兵部尚書鐵鉉鉉被縛入見
正言不屈反背立庭中令其回顧不可去其耳鼻亦不
顧碎分其體至死罵不絕口鉉色目人○族誅禮部尚
書陳迪迪宣城人執至陛前責問漫罵不屈與子鳳山

三尚書
刑抗節
紙漢哉

等同日就戮臨刑罵不絕口命割鳳山鼻舌熬熟昇進
食之。廼唾之。益指斥遂俱凌遲而死。○族誅刑部尚書
暴昭昭潞州人被執抗罵不屈。上大怒先去其齒次
斷手足罵聲猶不絕至斷頸乃死。○守安慶禮部侍郎
黃觀投江死。先是觀往徵兵上江諸郡無應而上渡江
入正大統矣。觀自分大事已去。乃朝服東向再拜于羅
刹磯。湍急處投水而死。妻翁氏在京師被逮將給配。象
奴翁携二女沉于通濟橋下亦死。○守廣德翰林修撰
王叔英自經死。叔英聞靖難兵渡江知事不可爲乃沐
浴具承冠書絕命詞以寄意遂自縊死。後錄其家叔英

世觀之技
雖制叔英
之自縊死
風韶之自
刺王良之
自焚皆得
中正之體
觀叔英王
良之妻亦
皆自盡可
謂夫不有
其君妻下
愧其夫者
也

妻亦自縊二女俱赴井死○御史曾鳳韶自刺死鳳韶
吉安廬陵人上既卽位嘉其直欲召用之鳳韶卧于
邸不應命○浙江按察使王良自焚死良河南祥符人
靖難師既入京良慟哭誓以必死會命使召之良執使
者下獄詰旦縛出期戮以徇道中忽遇衆鼓譟而起奪
使者去良還坐堂上悉收諸司印攜歸解與其妻訣妻
先自投于池而死良遂舉烈焰攜印與家人同赴火死
八月罷學士董倫以侍講王景爲翰林學士○擢前燕
府長史金忠爲工部右侍郎○詔吏部及翰林院舉文
學行誼才識之士問侍詔解縉名命侍左右縉英傑敢

名人才俊
一時羅集
實死生色

言上喜之。遂見信用。既而侍書黃淮改中書舍人入見。上與語大奇之。凡侍朝特命淮與縉立于御榻左。以備顧問。時上以初登極。萬機叢委。日御奉天門左室。每夕召對至夜分。或便殿就寢。賜坐榻前。議論政事。同列不得與聞。尋擢吳府審理副楊士奇爲編修。改給事中。金幼孜。桐城知縣胡儼爲檢討。尋復陞解縉爲侍讀。修撰胡靖爲侍講。編修楊榮爲修撰。黃淮爲編修。吏部尚書張統自經死。上臨朝詰問建文中變亂官制。顧侍臣太息曰。只爲羣臣散官。一事前代沿襲行之已久。何關利害。亦欲改易。且陵土未乾。何忍紛紛爲此。

統懼退而自經。○左僉都御史景清犯 駕伏誅。清陝西真寧人。洪武甲戌廷試第二人。及第授翰林編修。尋嘉其才能。命署左僉都御史。建文初。改爲北平叅議。往祭燕邸。動靜。上譙之。清言論明爽。大被稱賞。尋還舊任。及建文闔宮自焚。清明知其出亡也。猶思與復。乃詣上自歸。上嘉曰。吾故人也。卽厚遇之。仍其官。清自是恒伏利劍衣衽中。委蛇侍朝。人疑焉。至是日早朝。清衣新緋衣而入朝。畢。上出殿門。清奮躍而前。將犯駕。先是欽天監奏有星紅色犯帝座。甚急。至是清衣緋果獨鮮也。上命左右收之。得所帶劍。清知志不遂。乃躍起。

效死于建
文者與報
逆無異將
交與滿洲

奮立嫂罵上大怒命挾其齒且挾且罵頃之下血近
前直噴沁御衣上愈怒剝其皮草積之城紮長安門
示百官而碎磔其骨肉是夜上夢清杖劍繞殿追追
明晨駕過其屍忽斷索行三步爲犯駕狀乃命藏于庫
中詔滅清族盡掘其先墓焚夷焉抄提九族外親尤慘
真寧一邑幾徧蔓延于鄰郡縣云○召前北平按察使
陳瑛至京以爲都察院右副都御史初瑛坐交通藩邸
謫廣西上卽位首召用之瑛怨建文諸臣最深旣而
瑛奏言建文之臣如黃觀廖昇王叔英周是修王良顏
伯璋皆不顧天命而效死于建文計其存心與叛逆無

昔然後為
思臣平

聖主

清難功

封洪國二

公城陽等

侯三侯

異宜加追戮。上曰：朕初舉義，誅姦臣，不追齊黃數輩耳。其後二十九人中，如張統、王純、鄭賜、黃福、尹昌隆等，皆宥而用之。今汝所言數人，況有不與二十九人之數者，彼食其祿，自盡其心耳。悉勿問。○擢戶部侍郎夏原吉為戶部尚書。初，原吉自福建召還，上欲大用之，忌者或沮之曰：「彼建文用事之臣，豈宜置之高位？」上曰：「原吉父，皇太祖之臣也，彼忠于太祖，故忠于建文。義豈不忠于朕哉？」逾月，遂進擢尚書。

九月四日，封賞奉天征討將士，封都督僉事丘福、洪國公朱能、成國公張武、成陽侯鄭亨、武安侯火真、同安侯

參等十一
 伯已封
 序所功
 森侯也
 誠等三伯
 明年封
 馬乘容等
 二侯進
 功進封
 城侯公
 伯共三十
 二人
 帝難諸臣
 以一旅之
 師彈丸之
 地出萬死
 者三載此
 實實蹟

顧成鎮遠侯王應武城侯陳珪泰寧侯孟善保定侯郭
 亮成安侯王忠靖安侯徐忠永康侯張信隆平侯李遠
 安平侯徐祥興安伯徐理武康伯李濬新城伯唐雲新
 昌伯孫殷應城伯趙彝忻城伯陳旭雲陽伯張王子張
 輔信安伯譚淵子譚忠新寧伯房寬思思侯子孫世襲
 房勝富昌伯劉才廣恩伯子孫世襲指揮同知以曹國
 公李景隆兵部尚書茹瑄都督王佐陳瑄有默相事機
 之功增景隆祿封茹瑄忠誠伯王佐順昌伯陳瑄平江
 伯子孫世襲指揮使以駙馬都尉王寧不附權勢以罹
 誣陷封永春侯子孫世世承襲餘將士論功高下陞賞

有差○擢吏部左侍郎蹇義爲吏部尚書兵部左侍郎
劉儁爲兵部尚書○擢工部左侍郎黃福爲工部尚書
福萊州昌邑人由鄉貢洪武末爲龍江左衛經歷上書
論國大計太祖奇其才識超陞工部右侍郎特見信
用上登極治齊黃離間之罪李景隆于御前并指福
爲姦臣福厲聲言臣罪應死但日爲姦則非上知其
名特宥之不問遷左侍郎遂進尚書自是益加寵任焉
○移東勝左衛于永平府東勝右衛于遵化縣

此實錄所記洪武初以東勝與和開平大寧爲邊至
永樂初以大寧東勝曠遠難守遂移諸衛所于內地
至宣德中後并開平與和素之東西失地而三
百餘里遂以延綏大同宣府獨石薊州爲邊矣

始開內閣于東角門內命解縉胡靖楊榮楊士奇黃淮金幼孜胡儼七人入居閣中諭以委任腹心至意專與機密雖學士王景革不得與焉時機務孔殷每旦百官奏事退內閣之臣造最前進呈文字商機密承顧問率漏下數十刻始退靖尋復名廣縉等七人其五江西縉吉水廣廬陵士奇泰和幼孜新淦儼南昌惟榮福建建安人淮浙江永嘉人○逮谷府長史劉璟下獄自經死璟誠意伯劉基仲子也靖難兵起璟隨谷王還朝獻十六策不能用以病辭歸上旣登極璟臥家不起上欲用之罪以逆叛親王逮繫之臨別姻戚舉饌戒之曰

申夷事
記并無非
謂口無微
師仲言漢
之耶士固
亦有志也

皇上神武何止唐文皇先生忠良介爲魏徵可也。豈承
順天心不宜自底刑辟。璟瞪目曰。爾謂我學魏徵耶。吾
死生之分已決矣。至京授以官。不受對。上語猶稱殿
下。遂大忤旨。下獄。一夕辨髮自經死。

十月重修太祖高皇帝實錄。命晉國公李景隆爲
監修都總裁官。尚書茹瑺爲副監修。侍讀解縉爲副總
裁。○以僧道衍爲僧錄司左善世。○命解縉等繕閱建
文羣臣章疏時。上于官中得建文時羣臣所上章疏
千餘通。覽有一二千犯者。命縉等繕閱。關係軍馬錢糧
數目。則畱餘有干犯者。悉焚之。因而從容問縉等曰。爾

願保千古
一言九鼎

等宜皆有之衆稽首未對修撰李貫對曰臣實無之
上曰爾以獨無爲賢耶食其祿則思任其事當國家危
急之際在近侍獨無一言可乎朕非惡乎盡心于建文
者但惡導誘建文壞祖法亂政經耳爾等前日事彼則
忠于彼今日事朕則忠于朕不必曲自遮蔽也

十一月壬辰冊妃徐氏爲皇后○陞解縉爲翰林院侍
講學士胡廣黃淮胡儼皆侍讀楊榮楊士奇金幼孜皆
侍講○論守城功陞北平左布政使郭資爲戶部尚書
仍掌北平布政司事保定府知府雒僉爲刑部尚書仍
掌保定府事○以江西儒士軒伯昂爲山東布政司左

郭資雖金
以城守功
陞他

參議 上初卽位詔求山林隱逸懷才抱德之士江西
首以伯昂應詔故召用之○寧王權來朝入見相得甚
歡權因乞改南土初欲得蘇州 上曰蘇州圻內不許
又欲得杭州 上曰五弟初封錢塘爲吳王皇考以爲
不可改開封建文無道封其弟允熲爲吳王竟不克事
建寧荊州重慶南昌皆善地惟弟擇焉寧王得書遂出
飛旗令有司治馳道 上大怒王不自安屏從兵從五
六老中官走南昌稱病卧城樓乞封南昌文皇不得已
卽藩司爲府封之南昌

十二月朔月當食不食右通政李至剛請率百官賀

上曰王者能脩德行政任賢去邪然後日月當食不食適以陰雨不見豈果不食耶勿賀擢之爲禮部尚書

高汝栻曰靖難死節之臣其章章者者後人哀其姓名曰革除遺事一首罹禍及陣亡之臣凡十九人曰齊泰黃子澄方孝孺俞逢辰謝貴張昺葛誠宋忠馬直朱鑑曹濬彭聚孫泰耿炳文俞通淵瞿能莊得楚智鄭華一聞變自盡之臣凡十五人曰黃觀王叔英周是修顏伯瑋廖昇王良曾鳳韶魏公晃鄒公瑾高巍王良錢芹黃鉞王省劉政一在朝之臣罹禍者十二人有三人曰陳迪練安侯泰郭任盧迥暴昭毛太黃魁胡子昭卓敬芋大芳胡閏鄭德發盧原積廖鎮宋徵陳繼之韓永高翔董庸王慶巨啟甘露一在外之臣與官爵不可改而俱罹禍者二十人曰鉄欽汪彬崇剛陳暉馬溥陳彥回林嘉猷鄒公智程本立葉惠仲姚善鄭恕程通陳思賢盧振謝昇周璠黃彥清高不危牛景先一中外士臣獲宥而後死者九十八人曰董倫張汝徐輝祖李堅景清葉崇陳性善平安樓璉劉真何福梅殷王璉周璉劉亨高賢

宗實王孫一革除中見用之臣不及於難者六人曰沐春高遜志唐愚士劉觀宋傑魏澤一革除中見用之臣及宦官徐安沐敬其內外臣士宦官有所關係顯宗劉有年徐安沐敬其內外臣士宦官有所關係而見用於永樂者共二十二人曰李景隆姚廣孝鄭賜黃福尹昌隆茹瑄胡瑔楊又宋成徐凱吳高吳陟袁宇郭新李德成羅義陳瑛李友直胡廣李貫歐陽謙吳亮黃巖胡氏驗曰革除諸臣子嘗考諸留臺往牒凡不願命者匪惟戮其身且戮及其九族焉且又逮及其九族之外親以至九族外親之外親焉根連蔓引殆無不道蓋十族之說不獨方孝孺一家為然凡時為茲臣皆如之然隱匿遁逃者未嘗無也其始也戮其身及其孥外親惟抄沒四散編戍而已永樂六年以後往往自本衛復行抄捉或就戮或給配或復編戍至十一年乃弛告計姦惡之禁十三年則不復有告計鄉縛之辭自洪熙初詔從寬宥而後諸臣之遺裔出矣